



顧廷龍全集

著作卷 章氏四當齋藏書目

上海辭書出版社

顧廷龍全集

著作卷

章氏四當齋藏書目

上海辭書出版社

圖書在版編目(CIP)數據

顧廷龍全集. 著作卷. 章氏四當齋藏書目 / 《顧廷龍全集》編委會編. —上海: 上海辭書出版社, 2016. 4

ISBN 978 - 7 - 5326 - 4527 - 5

I. ①顧… II. ①顧… III. ①顧廷龍(1904 ~ 1998) —全集 ②私人藏書—圖書目錄—中國—清後期 IV. ①C53 ②Z842. 52

中國版本圖書館 CIP 數據核字(2015)第 271289 號

顧廷龍全集·著作卷

章氏四當齋藏書目

顧廷龍 著

《顧廷龍全集》編輯委員會 編

責任編輯／朱榮所 封面設計／姜明

上海世紀出版股份有限公司

上海辭書出版社 出版、發行

(上海陝西北路四五七號 郵政編碼: 200040)

電話: (021-62472088) www.cwen.co, www.cishu.com.cn

印刷: 上海中華商務聯合印刷有限公司

開本: 787毫米×1092毫米 1/18 印張 46.125 字數 290千字

版次: 二〇一六年四月第一版
二〇一六年四月第一次印刷

ISBN 978-7-5326-4527-5/C·30

定價: 148.00元

如發生印刷、裝訂質量問題,讀者可向工廠調換
聯繫電話: T: 021-59226000

章

氏

四

當

齋

藏

書

目

閩
廬
夏
孫
桐
署
端



中華民國三十七年五月
燕京大學圖書館印行

贈與及寄託霜根老人四當齋遺書契約

立贈與及寄託契約：章王丹芬（以下稱甲方）爲一方與私立燕京大學（以下稱乙方）爲他方。

緣甲方 先夫霜根老人式之公，家寒力學，平時節衣縮食，遇有所餘，輒以購書，自念其得之非易，昕夕勤讀，並以「霜根老人四當齋藏書」命其積年所集，蓋取宋尤延之飢讀之以當肉寒讀之以當衣孤寂讀之以當友朋幽憂讀之以當金石琴瑟之義也；先夫易簣遺言，即以藏書贈諸甲方，分配處分，由甲方定之。

甲方因念乙方學校之締造，其艱苦正與甲方 先夫採集書籍相同，除略選留有其手澤及善本書數種，暫行寄託乙方保管以備傳諸後人外，其餘悉贈乙方。

乙方茲承受甲方之贈與及寄託，並爲勸勵勤讀計，願保存藏書原用之名稱，由乙方另闢專室庋藏之。

乙方又爲紀念霜根老人終身苦讀起見，願將霜根老人生前所用文具書案等件，一併陳列。因此雙方協議，訂定條款如左：

第一條 霜根老人四當齋全部藏書，依左列規定，分別寄託或贈與乙方：

（子）霜根老人手校書手抄書暫由乙方保管，但甲方得先期具函並加蓋原約定印章，通知乙方，隨時提回其一部或全部；

（丑）善本書包括舊刻本及各家抄本，自民國二十六年十一月一日起，在乙方圖書館內寄託五年。期滿之後，繼續寄託或改作贈與及由甲方提回，由甲方酌期分別辦理；

（子）（丑）兩類書籍所有之校語或未經刊行之本，乙方得先徵得甲方同意，隨時發表；但須載明「霜根老人手校」或「四當齋藏本」等字樣；

（寅）除（子）（丑）兩類所規定者外，其餘各種書籍，完全贈與乙方。

第二條 在不能抵抗情形之下，對於四當齋遺書可發生之危害，除由乙方充分防範外，甲方不得有所異議。

第三條 （子）（丑）兩類投保火險費用，由甲方自行接洽負擔。保存上必須之修理費用，甲方

依據乙方聲請支付單據，照數歸墊，每年結算一次。乙方如爲保存四當齋遺書必須與乙方圖書館藏圖書同樣易地存放時，其費用涉及甲方自留部分者，由甲方分擔。

第四條 乙方知甲方 先夫平生從事中國經史考據學術，其藏書自成一類，允於圖書館內或另一校室闢一適當部分，彙集排列，標明藏書原用名稱，並將籍根老人生前所用文具書案等件，一併陳列，以存其真。

第五條 乙方如將(丑)(寅)兩類書籍轉寄或轉贈其他同等學術機關，須先商得甲方同意。

第六條 四當齋全部遺書如甲方索借或已得甲方介紹前往借閱，乙方允予充分便利。此項索借或介紹借閱各事宜，乙方根據原約定印章辦理之。

第七條 點交事宜由乙方派員在甲方寓所辦理，甲方供給膳宿及一切便利。自甲方寓所至乙方圖書館之運費，由乙方負擔，並力謀運輸上之安全。點交清楚後短期間內，乙方將全部書籍目錄分別公佈之。

第八條 本約一式共繕兩份，由雙方各執一份存照。

甲 方

章王丹

章王

率子元

義美善

洪

步

章

乙 方

司徒雷登

章

田洪都

章

見證人

俞澄雲

章

陳漢

章

張克均

章

中華民國二十六年十月二十三日

霜根 老人 七十 二歲 小象
戊寅 春日 葉景 葵敬 題



近儒王忠愍云學問之道無往而不當用其忠實
惟公沈酣圖史數十年必一日取徑不同歸趨則
一矧其深嫉時風力事潛德服習孝經砥礪臣
節不必致忠愍之湛淵而政命遂志之懷固益
時云愧色粹乎女室允矣儒宗宜為万世所矜式

霜根老人姻丈同年遺象

葉景葵敬贊并書

先師章式之先生傳

先師式之先生章氏諱鉅字堅孟又字茗理別署曰蟄存曰負翁晦翁晚年自號霜根老人其先出於閩太傅仔鈞至先生三十八世曾祖明芳服賈於諸暨始由越遷蘇之長洲遂著籍爲其縣人祖國彪父瑞徵隱德不仕先生生有異稟事母劉太夫人以孝聞幼即嗜學家貧父節衣食爲購日知錄困學紀聞令讀之先生自謂生平學業之基實肇於此年弱冠補博士弟子員肄業於紫陽書院學古堂稱高才生己丑恩科中式舉人名聞日劭乃益下帷攻苦聚書二萬卷徧讀之尤長於金石目錄及乙部律攸之學與人講貫窮日夜不倦從游者亦日衆婁上春官光緒癸卯始成進士以主事用籤分刑部湖廣清吏司行走方是時朝廷新罹庚子之厄銳意變法士夫嚮說朋黨漸起先生曰此豈吾仕時耶告歸奉母旣而大吏有知先生者奏辦吳中學務先生爲之擘畫區處立初等學四十所絃歌達於四境士蒸蒸焉嚮風歷南洋北洋大臣幕府以勞保加四品銜調外務部母服闋始到官充一等祕書庶務司幫主稿兼京師圖書館編修辛亥國變棄官從好旅食於京沽間先生自以爲於國事無所裨而文獻之寄不可以無傳故即以讀書報三百年養士之澤讀書不求善本則郢書燕說謬種流傳爲學之大蠹於是發憤徧校羣書取宋尤延之飢當肉寒當衣孤寂當朋

友幽憂當金石琴瑟語揭所居曰四當齋日坐其中丹鉛不去手聞有孤槩異笈必展轉傳錄時流人居海上多藏家佐其鑑畚見聞日富蓋校讐之學吳中最盛顧黃而後先生承其緒益恢而大之凡人間未見之書經兵燹散出及流傳海外者比之珠船一字千金先生左右采獲輔之以博學淵識慎思詳擇遂以發諸老先輩未發之覆天不愛道地不愛寶亦其時然也所校讐中通鑑正文据宋本校出脫誤七千數百條自爲之記曰有宋天台胡身之身丁末造避兵山谷前爲資治通鑑撰著之作旣燬乃復購他本以成今日流傳之注本惟胡氏所謂他本之外就注文考之有云蜀本者有云杭本者有云傳寫本者後賢之爲通鑑學者大都爲胡注匡益於正文則尠致力吾鄉顧澗葦序張敦仁通鑑識誤云興文署本非出梅磻親刊欲糾其誤必資於興文本之上今兩宋大字中字小字附釋文未附釋文諸刊即零卷殘帙猶艱數觀蓋舊槧之難得而異文之待校前人固有欲爲之而無從措手者鉅自宣統辛亥以後僑寄津郊以校書遣日江安傅沅叔得宋槧百衲本約同用鄱陽胡氏翻刻興文署本校讀上海涵芬樓有宋刻一種出百衲本之外明孔天胤刊無注本源出宋槧先後借校始知張敦仁識誤及常熟張瑛校勘記功未及半辜較二百九十四卷中脫誤衍倒蓋在萬字以上脫文五千二百餘字關係史事尤大桑海餘生得見老輩所未見爰手寫

校記編爲三十卷讀涑水書或有取焉錢遵王讀書敏求記傳錄本多舛誤海昌管庭芬嘗有校本未刻先生据之復根求原文所出自史志及目錄家言可以參考者合新舊所得又數千事佚聞墜掌粲然備具名之曰校證論者謂不獨有功管氏且兼可以庀史漢書郊祀志毋令姦人有以窺朝者傳本皆是者字先生得景祐本審視之者實作昔援穀梁傳莊七年夏四月辛卯昔恆星不見爲證知昔夕古通文義乃較傳本爲勝宋史刻本疏漏孝宗紀脫葉盧抱經已補之先生復從元至正六年本校出田況傳脫葉共四百字南齊書則据蜀大字本補卷七第三葉卷十六第十葉糾明人修補本之繆脫皆前人展齒所未到者其他所校薛居正五代史契丹國志大金國志三朝北盟會編諸大部鉅帙丹黃叢雜多未寫定歲甲寅清史館開館長趙公禮聘先生爲纂修所修乾隆朝大臣傳忠義傳及藝文志又數十百萬言稿藏於家先生與人和易不爲厓岸行而其中介然有以自守當官則以經術潤飾吏事侃侃焉不阿衆論在部時較覆明儒湛若水及准元儒劉因從祀兩議皆先生主稿皆其學術命脈之所寄生平尤惓惓於故知黃子壽師也身後爲輯刊其遺集同好有以詩文相質者雖片紙隻字必藏弄於遺簞舊聞故家善俗不辭甄表身旣隱矣絕口不挂世事小雅匪風之思宗周彼稷之痛時時於詩篇中微發之作爲文章不名一家而未嘗一詭於

義法間賦小詞含思繇眇讀之慨然想見其爲人書入能品晚年猶能作細字求者填戶牖徒以運甕陽九甘自堙晦不欲大修褫於人人而方聞亮節屹然爲清末一代宗匠異日者當與遺山諸賢同其論定此固非爾田一人之阿言也年七十有三以疾考終於北都寓寢彌留之際口占庭誥教誡諸子遺命以故國冠服歛嗚呼可以知先生之志矣爾田從游最早受知最深同事史館又且十年嘗謁先生於燕座先生從容謂曰我弟子衆多然能文章者惟子及金天翮而知予之生平尤莫若子區區志行不願供人描畫我死當以傳相屬爾田垂涕不敢辭先生初娶於胡繼配王賢明能內助以是得盡力於學子四人元善元美元羣元義皆材諸子承母命以先生遺書歸燕京大學圖書館保存矜式後學成父之志尤足紀云丁丑十月受業弟子錢唐張爾田謹撰

按先生別署甚多又曰長孺曰蘧闌曰曙戒學人曰老式曰北池逸老顏所居曰崇禮堂曰茗理篋曰不鬥齋曰

算鶴量鯨室曰四當齋鐫心印曰蔣山傭曰積感之民曰充隱曰鷗邊曰江南老教書皆足以見先生之志也又

譜名鴻鈺一字汝玉登賢書後即已不用並附志之廷龍記

序

儒者畢生劬學孰不有身沒名稱之望而遺篇散失傳述無人湮滅而不彰者不知凡幾是知韓昌黎所謂固宜有人文章編紹之彌足重矣章君霜根爲吳中耆學其諸子遵易簣遺言悉舉藏書置燕京大學圖書館保存以嘉惠後學校中董其事者則啓精舍以弄藏之而篋書至七萬餘卷之多其中霜根翁校證題跋尤爲精審而編目未詳讀者苦檢閱之艱吳縣顧君起潛力任編校之役別其部居錄其題識其中校證之本有假自友人者起潛於各書題識之後加以按語紀其姓氏爵里行誼之概略匪特見當日析疑之助兼可爲後來文獻之徵歷四月之辛勤書目乃粲然大備將付梓以廣流傳而索余一言以紀之余與霜根翁締交五十載相知最深起潛以鄉後學請益於霜根翁備承啓迪曾有英年好學之譽見於集中今既喜故友之遺著彙存章氏諸子之楹書能保起潛爲余受業師蓉舫公之從孫更喜德門之後起敬識數語以告後之覽者霜根翁沒世而名稱凌雲神歸遺書朗列當深許起潛之薪火能傳也戊寅春日德清俞陞雲識

章氏四當齋藏書目序

吳郡章氏霜根老人生平聚書二萬餘卷取鄉先哲尤延之飢當肉寒當衣孤寂當友朋幽憂當金石琴瑟之語名所居曰四當齋劬學終老沒後閱數月其夫人及哲嗣秉承易簣遺言輦其藏書歸諸燕京大學以惠士林藉免散佚其心志超曠蓋亦藏書家中不可多見者矣江左士夫藏書風氣之盛甲於天下自宋迄今千餘年間有歷史可稽者不下五百家而以尤氏遂初堂葉氏棗竹堂李氏得月樓趙氏小宛堂黃氏千頃堂毛氏汲古閣錢氏絳雲樓述古堂徐氏傳是樓阮氏文選樓黃氏百宋一廬張氏愛日精廬汪氏藝芸書舍吳氏測海樓顧氏藝海樓繆氏藝風堂潘氏滂喜齋瞿氏鐵琴銅劍樓爲最有聲於世近惟滂喜齋及鐵琴銅劍樓尙能守護其故物與浙中天一閣鼎峙東南餘則或毀於刀兵水火或厄於盜賊蟲魚雖不若甯宋樓之冒然以國內菁華擲諸海外然均已風流雲散渺焉不可復聚即如霜根老人所景仰之先哲亦僅以遂初堂書目一卷流轉人間而當日所謂虞監親鈔杜侯手校及御書堂額概湮於九龍山下荒烟蔓草中徒供憑弔已耳以是知私家藏書未有久而不散者也無論收弄若何其富典守若何其嚴而喬木風烟終歸零落華林鉛槧轉就榛蕪此蓋天地古今消長盈虛之定例未可以人力爭者昔南雷先生爲天一閣作記云

讀書難藏書尤難藏之久而不散則難之難矣斯語可謂參透造物之機緘而發人深省乃自來藏書家之心理念物稀之爲貴侈獨有之虛榮大都執迷不悟嚴錮深局曾幾何時槿花紅慘空流車案之螢芸草黃枯莫避羽陵之蠹淒涼景色令人觸目欷歔在藏書家初亦未曾計及此也豈其書籍之聚散果由造物爲之主宰非收藏者所得而轉移之耶霜根老人獨能破除痼習以數十年節衣縮食所得之書不私諸子孫而公諸社會即以整理保持之責託之社會不授之子孫百足不僵衆擎易舉自無人存書存人亡書亡之弊不必果有卿雲輪囷覆護其上始得免乎菑害之侵陵也蓋人定可以勝天古今書籍之戾實絲收藏者人力之未盡而不應歸咎於造物之不仁若霜根老人者殆亦深悟南雷先生之言而能自解其難者矣其心志之超曠爲何如乎夫以私人藏書寄託公共圖書館供衆閱覽在歐美各國不少概見而我國則自梁氏飲冰室藏書寄存國立北平圖書館開其先例踵而行之者厥有王氏洗心精舍瞿氏補書堂法人普意雅氏德人穆麟德氏數家焉而霜根老人則以燕京大學之締造艱難與生平蒐羅書籍之堅苦刻厲如出一轍因囑以所有藏書歸而存之同方同術相得益彰是雖循梁氏之先例而別有深意存乎其間也學校當局感其盛意以洪都主柱下之藏屬董其事爰爲闢紀念室弄藏其書得顧君起潛爲之分別部居